

الرشاد

سر ۱۳۳۰

والله يهدي من يشاء الى صراط مستقيم دینی ، علمی ، ادبی ، سیاسی هفته لقی مجموعه اسلامیة در اتباعون اهدکم سبیل الرشاد

صاحب رمبر مسئول : ع . اشرف ارباب

جلد ۱ - ۸

۱ مارت ۱۳۲۸

بخشیه

۲۵ ربیع الاول ۱۳۳۰

عدد ۲ - ۱۸۴

نَفِیْسَتِ شَرِیْفِی

بِسْمِ اللَّهِ الرَّحْمَنِ الرَّحِيمِ

والضحی . واللیل اذا سجدی ما وعدک ربک وما قلی والآخره
خیرک من الاولی . ولسوف یطیک ربک فترضی . الم یجذک
یتماً فآوی . ووجدک ضالاً فهدی . ووجدک عائلاً فاغنی .
فاما الیتیم فلا تقهر . واما السائل فلا تنهر . واما بنعمة ربک فحدث .

ترجمہ سی

« کوندوزده ، طورغون کیجه يده یمین ایدرم که تگریک سنی
براقادی ، سندن محبتی کسمدی ، عاقبت سنک ایچون اونندن دها
خیرلیدر ، هم سکا تگریک اوپله ویره جک که آرتق خشنود اوله جقسین ،
اوسنی اوکسوز بولوبده باریندیرمادی ؟ شاشیرمش بولوبده یول
کوسترمیدی ؟ یوقسول بولوبده زنکین ایتدی ؟ اوپله ایه اوکسوزی
سنده صاقین ایجتمه ، صورانی ، ایسته یی رد ایتمه ، تگریکک نعمتی
ایسه هر زمان اقرار ایت . »

مختلف روایتلر شو نقطهده برلشورلرکه : بوسوره شریفه نک
نزولنه سبب ، علیه الصلاة والسلام افندیزه اینمکه اولان وحیک بر

آراق کیلیمسیدر . بونک اوزرینه « الله محمدی براقدی ، غضبه
اوغراندی . » ظن ایدنلر ، یاخود اوپله دینلر بولندی . شمندی بزم
ایچون ظن ، یاخود عنناد سوقیله بوسوزی سوبیلنلرک کیملر اولدیغنی
تحقیقه لزوم یوقدر . محقق برشی وارسه اوده سوره شریفه نک اسلوب
سماویسندن آکلاشیلان شو حقیقتدرکه : جناب حق برر برر صایمش
اولدیغنی شونعمتلری بوصورتله تأکید ایدرک بی محترم صلی الله علیه وسلم
افندیمرک روح مشتاقنه اطمینان ویرمک ، حقنده سبق ایدن اونعمتارک
صرف فضل الهی اثری اولدیغنی دوشوندیروب کچمشده کندیسندن
غنایتی اسیرکه مین کریم لایزالک کله جکدهده اسیرکه میه جکنی استدلال
ایتدیرمک مراد ایدیور .

استاد محترم شیخ محمد عبده دیورکه :

سوره شریفه نک ترتینده خطاب واقعدن مشرک لک ، یاخود
باشقه لرینک مقصود اوله بیله جکنی کوسترر هیچ بر اشارت یوقدر .
ذاتاً مشرک لک وحیک سیرکشدیکنی نره دن بیله جکرکه طوتسونلرده
دیددی قودی یاپسونلر ؟ ایشک حقیقتی علیه الصلاة والسلام افندیمرک
وحیده کی ذوق لاهوتی به اولان اشتیاقیدر . طبیعیدرکه اشتیاق خلجانی ،
خلجیان ایسه مطلقاً قورقونی تولید ایدر . زیرا حضرت پیغمبرده
انساندر ، کندیسنی سائر ابنای بشردن آیران امتیاز یالکیز وحیدر .
نته کیم « قل انما انا بشر مثلكم یوحی الی » کی برچوق آیتلر بو حقیقتی
صراحة سوبلر .

دیمک ، جناب حق پیغمبری باشقه لرینک کدرینه ، یاخود سرورینه
قارشى دکل ، اونک کندی اشتیاقندن ، کندی خلجیانندن طولانی
تسکین ایدیور ، وحیده کی فترتک اوپله خاطرینه کلن سبیلردن اولمادیغنی
قسم ایله تأمین ایدیور .

عالم خلقتده کی اشیادن ، یاخود شئون کائناتدن برینه بین ایتک قرآنده جاری اولان عادت آلمیه مقتضاسیدر . بونده کی مقصد اونامنه قسم اولنان شیئه ازله مودوع اولان حکمتی اخطار ایتک ، انسانلر اونده بر نوع شرتوهم ایتشلرسه خطا ایلمکده اولدقلرینی ، زیرا فنالغک ، شرک او کی شیلرده اولمایوب اونلری قوللانا نلرک ، یاخود اوصورتده اینانلرک کندیلرنده اولدیغنی آکلامقدردر .

محمد عاکف

فلسفه

اسلامده فن فلسفه

۱۷۹ دن مابعدی

غزالی . — غزالی کی فطرتک افرادی جوغالتمقدده پک آرز سماحتی کوریلن داهیلرک روحنی آکلامق ، آکلاویه بیلیمک ایچون بونلرک سرگذشت حیاتلرینی یقیندن تتبع وتدقیق ایتک ایجاب ایدر . بیوک آدملری دائماً الحآت محیطیه یتشدرمشدر . تاریخ بوبابده بزه متعدد مثاللر کوستره بیلور . کیم بیلیر نه قدر زنکین دماغلر ، نه قدر جوال ذکالر فیضلر بر ساحهده یتشمک ، عقیم بر محیطه دوشمک بدبختلکینه محکوم اولدقلری ایچون بیهوده یره سونوب کیتمشلر ، عرفان بشریته هیچ برشی علاوه سنه موفق اوله مدن افول ایتشلردر . خارقه نما ذکالری دها آوان عنفوانده ایکن تقدیر ایتک ، وجهه استقامتلرینی فیاض ساحه لره توجیه ایدره ک انکشافلرینه زمین مساعده حاضر لامق هم ابونک وهم ارباب تربیه نک اک مهم وظائفنی تشکیل ایدر .

فقط بو وظیفه نی جدآ تقدیر ایدره ک حسن تطبیقنه موفق اولان بدر و مر بیلر مع التأسف پک نادر در .

غزالینک پدری ایشته بو نادر آدملردن ایدی . اوغلنده کی دها واستعدادی بحق تقدیر ایده بیلیمشدی . اونک بیوک برعالم ، مشهور برداهی اوله جغنی آکلامش وکندیسسی وسعتلی بر معیشته مالک اولمدیغنی ، کدیمیذله کچنیر بر صنعتکار بولندیغنی حالده بوتون مساعیسنی اولادینک تعلیم و تربیه سنه حصر ایلشدی . نه چاره که آرزوسنک حسن ایفاسنه زمان مساعده ویرمدی . غزالی هنوز مقدمات غلومک تحصیل ایله مشغول ایکن بو نحیتلی پدر پسترموته اوزاندی . آرتق جهان فانییه وداعه ، شہقات واپسینتی ویرمکه محکوم بولندیغنی آکلادینی زمان بوتون طاتلی امیدلرینک محو و نابید اولدیغنی حس ایلدی . اولادینی ایسته دیکی کی اوقوده میه جق و بونادره فطرتده ذکای خارقه نماسنک آثار و تجلیاتی کوسترمیه جکدی . بو مدھش خاطرلر پدرک روحنی لرزه دار ایدیوردی . صوک برامیدی قالمشدی . اوکا مراجعتہ قرار ویردی .

ارباب زهد و اتقادن پک زیاده سویشدیکی بر آرقداشی واردی .

صوک کونلرنده بو ذاتی سربالیننه جلب ایدره ک بوتون آرزولرینی ، برر اوکا آکلاتدی . واولادینی بر ودیعه اوله رق کندیسنه بر اقدیغنی سوبلیدی . صوک وصیتی ، اولادینک تعلیم و تربیه سنه اهتمام ایدلسی آرزوسندن عبارتدی .

بو مشفق پدرک بر اقدیغنی ثروت هیچ مشابه سنده اولدینی کی اولادینک تربیه سنی حواله ایتدیکی ذاتده فلکک لطفه مظهر اولق بختیارلغندن محروم قالمش فلا کترده لردن بولندیغندن حکم وصیتی بالفعل اجرایه موفق اوله مدی . کیفیت غزالی و برادرینه آجدی موافقتلرینی استحصال ایدره ک هر ایکسینی ده احمد بن محمد الراز کاینک زیر اداره سنده بولنان یر مدرسه یه قید ایتدیردی .

راز کانی مشاهیر فقهادن بولندینی جهته غزالی فقه و اصول فقهک غوامضات عالیه سنی بو ذاتدن تعلم ایلشدر .

فقط غزالی بر داهی ایدی . ذکای آتشیغنی یالکز فقهله اکتفا ایده میوردی . هر شیشی بیلیمک ، هر شیشک حقیقته ، کنه و ماهیتنه کسب وقوف ایتک آرزوسی دماغنی متصل کیریور ، ازعاج ایدیوردی . غزالینک جرجانه اختیار هجرتله امام ابو نصر الاسمعیلی نک حلقه تدریسنه ملازمتی بو آرزو سائقه سیله وقوعه کلشدر . بو یوک دماغلر فلا کتدن بیله بر حصه انتباه آیرلر . غزالی جرجانده تحصیلده ایکن معلمک تقریرلرینی بر دفتر مخصوصه قید وضبط ایتکی اعتیاد ایدینمشدی فقط جرجاندن طوسه عودت ایدرکن یولده خرسزلر طرفندن توقیف اولنهرق اوزرنده بولنان اشیا ایله برابر کتاب و دفترلرده غصب وضبط اولندی . کتاب و دفترلرینک بوضورتله ضیاعی غزالینک عقلنی باشندن آلدی . سنه لرحه امتداد ایدن سنین مساعیسنک ثمرات مقتطفه سنک بر آنده ضیاعه اوغرامسنه ممکن دکل راضی اوله میوردی . اشقیار یسنه مراجعت ایدره ک یالکز کتاب و دفترلرینک اعاده سنی استرحام ایلدی .

سنه لرحه چکدیکی مشاق تحصیلک مکافاتی بو کتابلرده بولندینی جهته عنندنه حیاتی قدر عزیز و قیمتدار اولان وکندیلرینک هیچ بر ایشنه یارامیان بو کاغد طومارلرینک اعاده سنه مساعده ایتسنی رجا ایتدی . حریف کتابلرینی غزالی یه اعاده ایتدی . فقط عینی زمانده اوکا برده درس ویردرک دیدی که : (علم سطوره دکل ، صدورده اولمیدر . کتابلرک الکن آلدینی وقت بنم درکمه اینه جک ایسه ک سنک فضل و کمالکک نه قیمت واهیتی قالیر . . .) بودرس پک آغیردی و بوندن صوکره درک غزالی هراوقودینی شیشی اوله دماغنه نقش وبعده بر محله قید ایتکی اعتیاد ایدینمشدر .

حضرت امام بو شقی یه اولان منتشرارلغنی یاد ایدره ک : (اولجه تحریر و تعلیم ایتش اولدیغ شیلری شمیدی اوقدر حفظ ایتشم درک بالفرض سارقلر بوکون بوتون کتابلرمی آشیرمش اولسلر بیله علممندن ینه هیچ بر شی ضایع ایتش اولمام) سوزلرینی دائماً تکرار ایدرمش غزالی دوره تحصیلده ایکن اکتساب فضیله نه قدر بر عشق و غیرته